



STARTAP LOYIHALARINI BOSHQARISHNING ZAMONAVIY MODELLARI VA ULARNING SAMARADORLIGI

To'lginova Nozimaxon Zaynabiddinxon qizi

O'zbekiston Respublikasi Bank-Moliya Akademiyasi

70411202- Loyiha Boshqaruvi yo'nalishi magistranti

email: muxsumxonovanozimaxon0909@gmail.com

Annotatsiya

Mazkur tezisdagi startap loyihalarini boshqarishning zamonaviy metodologiyalari hamda ularning samaradorlikka ta'siri tahlil qilinadi. Innovatsion startaplar yuqori darajadagi noaniqlik, tez o'zgaruvchan bozor muhiti va resurslarning cheklanganligi sharoitida faoliyat yuritadi. Shu sababli moslashuvchan loyiha boshqaruvi yondashuvlaridan foydalanish muhim ahamiyat kasb etadi. Tadqiqot doirasida Agile, Lean Startup, Scrum va Kanban metodologiyalarining nazariy asoslari o'rganildi hamda ularning startap rivojlanish bosqichlariga mosligi tahlil qilindi.

Empirik tadqiqotlar natijalariga ko'ra, startap muvaffaqiyatiga eng katta ta'sir ko'rsatuvchi omil mahsulotning bozor ehtiyojiga mosligi (Product–Market Fit) hisoblanadi. Shuningdek, jamoa kompetensiyasi, risklarni boshqarish darajasi hamda to'g'ri tanlangan boshqaruv metodologiyasi ham startap natijadorligiga sezilarli ta'sir ko'rsatadi.

Tadqiqot natijasida startaplar uchun integratsiyalashgan loyiha boshqaruvi modeli taklif etildi. Ushbu model Lean Startup metodologiyasining eksperimental yondashuvi, Agile metodologiyasining iterativ rivojlanish tamoyili hamda Risk Management tizimining nazorat mexanizmlarini birlashtiradi. Mazkur yondashuv startaplarning moslashuvchanligini oshiradi, resurslardan samarali foydalanish imkonini beradi hamda mahsulotni bozorga chiqarish vaqtini qisqartiradi.



O'zbekiston startap ekotizimi misolida o'tkazilgan tahlillar innovatsion loyihalarni qo'llab-quvvatlash infratuzilmasi rivojlanib borayotganini ko'rsatadi. Shu bilan birga moliyaviy resurslar qiymatining nisbatan yuqori darajada shakllanishi startaplar uchun muayyan cheklovlarni yuzaga keltirmoqda. Shu sababli grantlar, venchur kapital va akselerator dasturlari muhim moliyalashtirish manbasi hisoblanadi.

Taklif etilgan integratsiyalashgan boshqaruv modeli startaplarning strategik moslashuvchanligini oshirish hamda innovatsion g'oyalarni samarali biznes modelga aylantirish imkonini beradi.

Kalit so'zlar

startap, loyiha boshqaruvi, Agile, Lean Startup, Scrum, Kanban, Risk Management, Product–Market Fit, innovatsion tadbirkorlik, KPI.